

**Basic Tonic Solfa Learning Course
Hunzat Dan Pulakna**

Dated: 20th July, 2024, At New Delhi

New Delhi Krist Saptuam in kum 2024 sung zuih ding a a bawl Work Plan-2024 ah Solfa Camp neih ding bikhiahsa in om hi. Hiai sepsuahna ah Camp dan geih a zatttheih hikei mahleh, nisim 27th June 2024 a kipan 30th June 2024 sung “Basic Tonic Solfa Learning Course” chih thulu a nei in, Pathian phatkhawmna lam a khantouhna leh masawmna neihna ding lungngulhna toh Tonic Solfa sinna hun manpha tak in ki zang hi. Hiai toh kisai a vaiguan hon bawl a, sepsuahna toh kisai a poimoh bang kim a panlatu ding Solfa Camp Committee phuankhiak in om a; amaute:Thongginlian, Kham Minthang leh Siam Khan Muan ahi uhi.

Hiai hun ah Tonic Solfa lam a chitna leh siamna ana ngah Tv. Tuanno a man piak a zat lem kisa a, amah sinsakna nuai ah kisinsakna hun nuam leh manpha tak kizang hi. Hiai hunzatna ah tuailai lam leh nu-leh pate lam hita leh, min pelut sang mah in a huntak ah a tel kitam zaw a, thanopna taktak toh niteng in a tel ki pung deuhdeuh hi.

Neek leh dawn lam ah leng New Delhi Krist Saptuam makaite lunggeel siamna hang in tai tak leh vah tak in a telte sun ann a vaak in ki om gige, hun patma leh class neih zoh a dawn ding singpi leng niteng in luisa in om gige hi. Huchi mah bang in, a mun mahmah leng thoveng leh nuamtak, Sunbird Tourist Resort, Suraj Kunj mun kizangh a, Delhi kholum sukpi in a hon nuai laitak himahleh, Huihvotkhawl (AC) nuai ah, vot dikdik in hon omsak ua, a tel khempeuh a kisik omlou in, a ni a hong sawt dungzui in kithalawpna leng hong pung hiaihi a theih ahi.

A mun Delhi kho pua gamla lou chik a om himahleh, tukthei-taithei (gari) nei kha lemtang loute a ding a, a naihna nawnkai omkhak ding etna in, Saptuamte lak a Pathian vualzawl na dong a gari zat ding neithuah unaute Kamkhenthang leh Lang James te kipiakzohna leh thusiamna hang in, hiai hun a zat ding gari lemtang tak in hong piangkha hi. Hiai a gari-te hon tawl sak ding in unaute lak a tangval kiva mahmah nih; Tv. Thangliankhup leh Gin Samuel te'n kipiakzohna hang in gari hon tawl ua, kuamah tuailuaina tuak omlou in ni teng in a mun kitung a, inlam a chiah kiikna ah leng thoveng tak in ki tung thei diamdiam hi. “Unaute kituak diamdiam a om a nak hoih in, a nuam mahmah hi” chih Laisiangthou thu zuikha mahmah hang!

“Bangkim kilawmtak a hih hihen” chih thupiak zuih ding nei ihi chih haih lou in, lasak a Pathian Biakna lam a leng hihtheih tawp suah a kisuuk poimoh ahi chih theih chianna toh, Saptuam makai ten hiai bang vaiguan a hon neihpih uh phatuam mahmah ahi chih a telte muh dan leh kamsuak ahi a, maban ah leng hiai bang kisinsaknate omthei zel leh chih a telte houlimna leh genmang moh thute ahi hi.

Tonic Solfa Sintung Bu kisinkhia: Hiai kisinsakna hun a zat zaangkhai ding in ‘Tonic Solfa Sintung Bu’ 100 kisunkhia hi. Hiai ahileh sinsaktu Tv. Tuanno in a hon gelkhiat thute kikaikhawm a, amah phalna toh Saptuam in a bawlkhiat ahi. Hiai laibu pansan a nei in mahni in inlam chiat ah kisinna neizom tou den theile phatuam mahmah ding a lamet ahi.

Basic Tonic Solfa Learning Course a tel zah a nuai a bang ahi: -

Day	Nupi-Papi	Tuailai	Naupang	A kigawm
-----	-----------	---------	---------	----------

1	23	27	15	65
2	23	27	10	60
3	27	27	09	63
4	Whole Congregation			

Hunzat dan tomkim anuai a bang ahi: -

Date	Forenoon Session	Lunch	Afternoon Session	Valedictory Session
27/06/2024	11:00 to 13:00	13:00 to14:00	14:00 to16:00	-
28/06/2024	11:00 to 13:00	13:00 to14:00	14:00 to16:00	-
29/06/2024	11:00 to 13:00	13:00 to14:00	14:00 to 16:00	-
30/06/2024	10:00 to12:00 <i>(Worship Service)</i>	12:00 to13:00	13:00 to15:00 <i>(Solfa Class)</i>	15:00 to 5:30

Reported by:

Solfa Camp Coordinators